


**ՄԵՐ ՀԱՅՐԵՐՈՒՆ ԽՐԱՏՆԵՐԸ**

*Սիրելի եղբայրներ, ամեն մարդ թող արագ ըլլայ լսելու եւ ծանր՝ խօսելու եւ բարկանալու մէջ, որովհետեւ մարդուն բարկութիւնը Աստուծոյ արդարութիւնը կը հեռացնէ: Յակ. Ա. 16-20*

Սիրելիներ, նանչնալէ ետք բարկութեան չարիքները եւ մանաւանդ գիտնալէ ետք, թէ ինչպիսի բարիքներէ պիտի զրկուիմք, երբ Աստուծոյ արդարութենէն բաժնուիմք, գոյշ ըլլանք մեր անձերուն նկատմամբ ու հեռանանք բարկութենէն եւ անոր չարութենէն, ինչպէս կատաղի գագանէ մը: Չըլլայ, թէ իժի պէս մեր մէջ բոյն դնելով վնասէ մեր հոգիներուն, իսայթէ մեր կրունկը եւ հեծեալը գետին ձգէ: Եթէ Աստուծոյ այլ դատաստանները վրէժխնդրութեան բարկացողներուն չէին, գէթ մարդոցմէ պէտք էր շառագունիլ ու դողալ, եւ ոչ թէ գագանի նման անընտելի եւ վայրենի՝ բոլոր տեսնողներուն ծաղրանքի առարկայ ըլլալ: Օձերու եւ կարիճներու բնութիւնն է միշտ գագանութեան մէջ մնալ, որոնք որու որ մօտենան կը գարնեն, կը վիրաւորեն եւ այդ պատճառաւ բոլորին ստելի են եւ ամէն ոք իր ձեռքը կը զինէ գանոնք սպաննելու: Անոնց մի նմանիք դուն, որ բանաւոր եւ իմաստուն ես: Անոնք բնութեամբ ունին գագանութիւն, այդպէս ստեղծուած ըլլալով Արարիչէն, սակայն դուն նոյնպէս չստեղծուեցար, այլ՝ իմաստուն, հեզ եւ հանդարտ: Ինչո՞ւ համար բնութենէն դուրս գալով կամովին կը նմանիս անոնց գագանութեան:

**ԾԻՍԱԿԱՆ ԳԻՏԵԼԻՔՆԵՐ**

**ՀԱՅՑ. ԱՌԱՔԵԼԱԿԱՆ ԵԿԵՂԵՑԻՈՅ Ս. ՊԱՏԱՐԱԳ**



**ՊԼՏՎՐԼԻ ԽՈՐՀՈՐԴԻՆ ՀՎՏԱՏՈՒՄԸ  
2.- Պատրաստութիւն ընծաներուն  
Գ.- ԲՈՒՆ Ս. ՊԱՏԱՐԱԳ կամ  
ՀԱՄԱՏԱՑԵԱԼՆԵՐՈՒ Ս. ՊԱՏԱՐԱԳ**

Եկեղեցին կը յորդի դպիրներուն եւ հաւատացեալներուն սրտերէն բխող Տէրունական աղօթքով.-

«Հայր մեր որ յերկինս ես...»

Երկնաւոր Հօր Սուրբ անունը կը փառաբանուի երկրի վրայ: Անոր արքայութիւնը ինչպէս երկինքի մէջ՝ երկրի վրայ եւս կը տարածուի համակելով հաւատացեալներուն սրտերը: Մինչ այդ՝ քահանան մեղմաձայն իր աղօթքը կը մատուցանէ Աստուծոյ, որպէսզի հեռու մնանք փորձութենէն, Ան փրկէ մեզ չարէն ու չարիքէն, եւ որպէս գրաւական այս բոլորին, կը դառնայ ժողովուրդին, կը խաչակնքէ եւ աստուծային խաղաղութիւնը կը պարգեւէ հաւատացեալներուն ըսելով.- ԽԱՂԱՂՈՒԹԻՒՆ ԱՄԵՆԵՑՈՒՆ...  
Շարունակելի

**ՃՐԱԳ ՇԱՐԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ -  
Bourj-Hammoud, P.O.Box 80810 -Tel/Fax:01-258300- facebook-ի էջ Jerak ճրագ քերթ  
ՃՐԱԳ-ը կը պատրաստէ՝ Սարգիս Ա. Քենյ. Սարգիսեան**



ՃԷ. ՏԱՐԻ ԿԻՐԱԿԻ, 22 ԴԵԿՏԵՄԲԵՐ 2024 ԹԻԻ 51

**ԿԻՐԱԿԻ ՕՐԵՐՈՒ ԱՍՏՈՒԱԵԱՇՆՉԱԿԱՆ ԸՆԹԵՐՑՈՒՄՆԵՐ**  
Ես. 41.4-14: Եքր. 7.11-25: Ղկ. 18.9-14


**ՅԻՍՈՒՍ ՔՐԻՍՏՈՍԻ ԱՐԵՏԱՐԱՆԸ  
ԸՍՏ ԴՈՒԿԱՍԻ 18.9-14**

Այս առակն ալ պատմեց անոնց, որոնք կը պարծենային, թէ արդար են եւ ուրիշները կ'արհամարհէին: «Երկու հոգիներ տաճար գացին աղօթելու. մէկը՝ փարիսեցի, ու միւսը՝ մաքսաւոր: Փարիսեցին մէկ կողմ կեցած, առանձին կ'աղօթէր. «Աստուած իմ, շնորհակալ եմ քեզի՝ որ ուրիշ մարդոց նման յափշտակող, անիրաւ, շնացող չեմ, կամ այս մաքսաւորին պէս ալ չեմ: Այլ՝ շարաքը երկու անգամ ծոմ կը պահեմ եւ իմ եկամտոյս տասանորդը տաճարին կու տամ»: Իսկ մաքսաւորը մէկ կողմ կեցած, աչքերը առանց վեր բարձրացնելու կուրծքը կը ծեծէր եւ կ'ըսէր. «Աստուած, ներէ մեղաւորիս մեղքերը»: Կ'ըսեմ ձեզի,- եզրակացուց Յիսուս,- ո՛չ թէ փարիսեցին, այլ մաքսաւորը արդարացած գնաց տուն, որովհետեւ ով, որ իր անձը կը բարձրացնէ՝ պիտի խոնարհի եւ ով, որ իր անձը կը խոնարհեցնէ՝ պիտի բարձրանայ»:

«Աստուած, ներէ՛ մեղաւորիս մեղքերը»:  
Այս բառերը արտասանելով մաքսաւորը արդար գնաց իր տունը: Մենք եւս սիրելի ընթերցող մեր միակ խնդրանքը, որ պէտք է բարձրացնենք առ Աստուած՝ մեր մեղքերուն ներում եւ անձերու փրկութիւն է: Աստուած ամէն ինչ տուած է մեզի եւ միշտ կը հոգայ մեր պէտքերը: Ապրիկք քրիստոնէական վեպերը առանց հպարտանալու՝ խոնարհութեամբ եւ խոհեմութեամբ, այն ատեն Աստուած ինք պիտի բարձրացնէ մեզի: Աստուծոյ հետ կապ պահելու միջոցը աղօթքն է: Վստահաբար բոլորս կը փափաքինք միշտ հաղորդակցութեան մէջ ըլլալ մեր տիրոջ հետ, եկեք ամէն օր առանց վիատելու աղօթենք, նախ խնդրելով մեղքերու ներում մնացածը Աստուծոյ թողունք:

## ՍՈՒՐԲԵՐ ԵՒ ՏՕՆԵՐ

### Ս. ՍՏԵՓԱՆՈՍ ՆԱԽԱՎԿԱՅ



Սուրբ Ստեփանոս նախավկան առաջին դարուն ապրած քրիստոնեայ է՝ առաջին նահատակը, որ իր արիւնք թափեց Յիսուս Քրիստոսը Աստուծոյ Որդի դաւանելու համար: Յիսուսի 72 աշակերտներէն մէկն է ան, որ վեց ընկերներուն հետ Պետրոս առաքեալ առաջին սուրբ սեղանին սպասաւոր կարգեց: Ս. Ստեփանոսի մասին Ս. Գիրքը կ'ըսէ, որ ան աստուածային «շնորհով ու զօրութեամբ» լեցուած էր, «... ժողովուրդին մէջ զարմանալի գործեր եւ մեծ հրաշքներ կը գործէր» (Գրծ. 6.8): Ան Սուրբ Հոգիին զօրութեամբ լեցուած կը ֆարոգէր Յիսուս Քրիստոսը, որուն հետեւանքով արտասահմանէն եկած հրեաները, Երուսաղէմացի ժողովուրդը, ֆահանայապետներն ու օրէնագէտները գրգռեցին սուրբին դէմ, որոնք գայն բարձրագոյն ատեանին յանձնեցին: «Եւ սուտ վկաներ բերին, որոնք կ'ըսէին՝ այս մարդը անդադար կը հայհոյէ սուրբ տեղին ու օրէնքին դէմ:

«...Եւ բոլոր անոնք, որոնք նստած էին ատեանին մէջ, անոր նայելով տեսան, որ անոր դէմքը հրեշտակի կը նմանէր» (Գրծ. 6.13-15):

Պատասխանելով իրեն ուղղուած այս գրպարտութեան, Ստեփանոս նախավկան ատեանին մէջ սկսաւ Սուրբ Հոգիով մեկնել Հին Կտակարանը ըսելով, թէ հին մարգարէներ վկայած են Արդարին, Մեսիային՝ Յիսուս Քրիստոսի գալուստին մասին: Ու եզրափակելով իր խօսքը՝ կ'ըսէ. «Ձեր հայրերը մարգարէներէն ո՞ր մէկը չհալածեցին: Անոնք սպաննեցին բոլոր անոնց, որոնք սկիզբէն իսկ պատմեցին Արդարին գալուստին մասին, զոր մատնողն ու սպաննողը դուք եղաք, դուք՝ որ հրեշտակներու հրամանով օրէնքը ստացաք, սակայն գայն չգործադրեցիք» (Գրծ. 7.52-53):

Ստեփանոս նախավկան ֆարկոծած ու սպաննած են Երուսաղէմի շրջակայքը, մինչ նոյն պահուն ան ըսած է. «Ահա կը տեսնեմ երկինքը բացուած եւ մարդու Որդին Աստուծոյ աջ կողմը կանգնած» (Գրծ. 7.55):

Ս. Ստեփանոս առաջին նահատակն է, որուն արեան հեղուկով ցամբան կը բացուի հետագայ դարերու բոլոր վկաններուն ու մարտիրոսներուն:

Հայ եկեղեցին Ս. Ստեփանոսի յիշատակը կը տօնէ մեծ տօներու հետ՝ Դեկտեմբեր 25-ին կամ անոր յաջորդող օրը (Եթէ 25 Դեկտեմբերը Կիրակի կամ պահոց օր հանդիպի):

## Հ ՈԳԵՒՈՐ ՊԱՏ ԳԱՍ

### ՀԵՏԵՒԼ ՔՐԻՍՏՈՍ ՔԱՅԼԵՐՈՒՄ

Երբ Յիսուս քաշուեցաւ ժողովուրդէն՝ ժողովուրդը քաշեց ետէր: Ժողովուրդը աւելի սկսաւ կապուիլ Քրիստոսի յատկապէս Յովհաննէս Մկրտիչի նահատակութենէն ետք: Յովհաննէս դրախտ մեկնեցաւ, եւ Յիսուս դարձած էր միակ յոյսը հրեայ ժողովուրդին: Երբ Յիսուս շարժեցաւ դէպի ամառի վայրերը՝ ամբողջ ժողովուրդը հետը շարժեցաւ: Երբ Յիսուս ուզեց երթալ տեղ մը ուր հաց եւ ջուր չկար՝ ժողովուրդը ուզեց հետը երթալ:

### ՄԵՐ ՍՈՐՎԵԼ ԻՔ Հ ՈԳԵՒՈՐ ԴԱՍԸ

Երբ մեր երկնաւոր Թագաւորը տեղ մը երթայ՝ իր թագաւորութեան անդամները պէտք է հետեւին իրեն: Երբ մեր Ուխտի Տապանակը՝ Քրիստոս, շարժի՝ պէտք է հետը շարժինք եւ երբ կանգ առնէ՝ պէտք է հետը կանգ առնենք (Յեւ. 3.3): Զվախնանք հետեւելու իր քայլերուն, թէկուզ ան մեզ առաջնորդէ փորձութեան անապատներէն: Երբ ան մեզ կ'առաջնորդէ դժուարին ճամբաներէ՝ չընկրկինք դժուարութեանց դիմաց եւ ամուր քայլերով հետեւինք իրեն:

Ա.ԱՏՈՒԱԾԱՅԻՆ ՕՐՀՆՈՒԹԵԱՄԲ

## ԵԹԷ ԿԱՍ ԵՐԲ Կ'ՈՒԶԵՍ...

### ԵԹԷ Կ'ՈՒԶԵՍ ԳԻՏՆԱԿԱՆ ԱՍՏՈՒԾՈՅ ԱՐԳԱՐ ԳԱՏԱՏԱՆՆԵՐՆ ՄԱՍԻՆ ԿԱՐԿ՝ ՍԱՂՄՈՍ 75

Գոհութիւն կը յայտնեմ քեզի, ո՛վ Աստուած, գոհութիւն կը յայտնեմ քեզի: Կը հոչակեմք քու անունդ, եւ կը պատմեմք սփռնելի գործերդ: «Երբ որ որոշած ժամանակս գայ, ես արդարութեամբ պիտի դատեմ,՝ կ'ըսէ Աստուած: Երբ աշխարհը եւ անոր բնակիչները սասանին, ես հաստատուն պիտի պահեմ երկրին հիմքը: Սնապարծնբուն կ'ըսեմ.՝ Կը բաւէ՛ պարծենալ. ամբարիշտներուն կ'ըսեմ կը բաւէ հպարտանալ, դադրեցուցէ՛ք ձեր ամբարտաւանութիւնը, գորոզութեամբ մի՛ խօսիք»:

Արդարեւ դատաստանը ո՛չ արեւելէն կու գայ, ո՛չ արեւմուտէն, ո՛չ հարաւէն, ո՛չ ալ հիւսիսէն. այլ՝ Աստուած է դատաւորը, որ մէկը կը խոնարհեցնէ ու միւրը կը բարձրացնէ: Որովհետեւ Տիրոջ ձեռքին բաժակ մը կայ՝ բարկութեան թունդ գինիով լեցուն: Այդ բաժակէն խմել կու տայ երկրի բոլոր ամբարիշտներուն, որոնք գայն պիտի ֆամեն իր մրուրով միասին: Գալով ինձի, ես յաւիտեան պիտի ցնծամ, երգով պիտի ներբողեմ մեր հայրերուն Աստուածը: Ամբարիշտները իրենց ամբողջ հպարտութեամբ պիտի խորտակին, մինչ արդարները զօրութեան պիտի բարձրանան:

ՄԻՇՏ ԱՂՕԹԵՆՔ ՍԱՂՄՈՍԱԳԻՐԲԸ  
ԿԱՐԿԱԼՈՎ